

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA**

**Broj: T04 0 KT 0059957 25
Zenica, 04.09.2026. godine**

**OPĆINSKI SUD U ZENICI
-Sudiji za prethodno saslušanje-**

Na osnovu člana 45. stav 2. tačke i) i h), u vezi sa članovima 241. stav 1. i 350. stav 1. Zakona o krivičnom postupku FBiH (ZKP FBiH), podižem

O P T U Ž N I C U

Protiv osumnjičenog:

E. M.,

Zbog postojanja osnovane sumnje da je:

Dana 10.04.2024. godine u priodu od 19.00 do 20.35 sati u objektu pravnog lica „M.“ d.o.o. Z., u vlasništvu F. A. A. iz K., u ulici P. u mjestu N., grad Z., radeći noćnu smjenu na poslovima noćnog čuvanja objekta navedenog pravnog lica od 19.00 sati, a u čijem krugu su se nalazile dvije radne mašine velike vrijednosti u vlasništvu pravnog lica „D.“ d.o.o. Z. bager sa kašikom-gusjeničar marke „Komatsu“ i pretovarivač sa grajferom marke „Solmec“, nakon obilaska navednih radnih mašina i objekta došao na sprat istog u prostoriju u kojoj je boravio preko noći i koja je urađena u „lamperiji“ te na polici pored prozora sobe, obzirom da objekat nije priključen na električnu energiju, zapalio svijeću nakon čega je napustio i sobu i krug objekta, svjestan da na taj način zapaljena svijeća može izazvati požar, olako držeći da do istog neće doći, da bi u jednom momentu plamen i toplota zapaljene svijeće zahvatio drveni okvir prozora sobe objekta, lamperiji i ostale dijelove sobe objekta što je prouzrokovalo požar u sobi objekta koji se proširio na krov objekta i susjednu sobu, što je u konačnici dovelo u opasnost cijeli objekat i dvije radne mašine velike vrijednosti koje su se nalazile u krugu objekta neposredno uz objekat zahvaćen požarom

Dakle, iz nehata požarom izazvao opasnost za imovinu većeg opsega

Čime bi počinio krivično djelo izazivanje opće opasnosti iz člana 323. stav 4. u vezi sa stavom 1. Krivičnog zakona Federacije Bosne i Hercegovine.